

三才圖會

三才圖會

雲間允明父王思義續集

草木九卷

木類

松 五倍

槐

柏

榆

酸棗

藥木

漆樹

五加皮

牡荊

蔓荊

杜仲

楓樹

桂

丁香

沉香

藿香

金櫻

落雁木

竹

吳茱萸

檳榔

山梔

騏驎竭

龍腦

三才圖會卷之草木九目錄

一

丁

蕪荑

枳樹

厚朴

秦皮

山茱萸

猪苓

白棘

烏藥

沒藥

菴摩勒

衛矛

海銅皮

虎杖

松



松有二種惟五葉者結子台州府境出金松垂條如弱柳  
結子如碧珠三年子乃一熟松生泰山山谷其脂一名松  
膏一名松肪味苦甘溫無毒主疽惡瘡頭瘍白禿疥癢風  
氣安五藏除熱胃中伏熱咽乾消渴及風痺死肌赤者主  
惡痺其實味苦溫無毒主風痺寒氣虛羸少氣補不足葉  
味苦溫主風濕瘡生毛髮安五藏松節溫主百節久風風  
虛脚痺疼痛其花上黃粉名松黃燒其枝上下承取汁漚  
名松瀝主牛馬瘡皮上綠衣名艾納香用合諸香燒之其  
烟不散

五 倍 子



五倍子

五倍子在處有之生膚木葉上七月結實無花其木青黃  
色其實青至熟而黃大者如拳內多蟲九月採子暴乾一  
名文蛤一名百蟲倉味苦酸平無毒療齒宣疳鬻肺藏風  
毒流溢皮膚作風溼癬瘡搔痒膿水五痔下血不止小兒  
面鼻疳瘡

槐





槐實生河南平澤今處處有之其木極高大者謹按爾雅  
槐有數種葉大而黑者名懷槐晝合夜開者名守宮槐葉  
細而青綠者但謂之槐四月五月開花六月七月結實十  
月採老實入藥皮根採無時味苦酸鹹寒無毒主五內邪  
氣熱止涎唾補絕傷五痔火瘡婦人乳癰子藏急痛枝主  
洗瘡及陰囊下濕痒皮主爛瘡根主喉痺寒熱

栢



栢

栢實生泰山山谷今處處有之而乾州者最佳三月開花  
九月結子其葉名側栢密州出者尤佳味甘平無毒主驚  
悸安五藏益氣除風濕痺療恍惚虛損腰中重痛益血止  
汗葉味苦微寒無毒主吐血衄血痢血崩中赤白去濕痺  
止肌白皮主火灼爛瘡長毛髮

榆



榆 生潁川山谷今處處有之三月生莢仁味甘平無毒  
主大小便不通利水道除邪氣腸胃和熱氣消腫其實療  
小兒頭瘡痂花主小兒癩小便不利傷熱一名零榆皮

東

酸



酸棗

酸棗生河東川澤近京及西北州郡皆有之惟酸棗縣出者爲真其木高數丈徑圍一二尺木理極細堅而且重其核仁稍長而色赤如丹味酸平無毒主心腹寒熱邪結氣聚四肢酸疼濕痺煩心不得眠臍上下痛血轉久洩虛汗煩渴補中益肝氣堅筋骨助陰氣安五臟

木

藥





三才圖會卷之九  
藥木  
藥木

藥木黃藥也生漢中山谷及永昌今處處有之以蜀中者  
爲佳木高數丈葉類菜莢及椿葉經冬不凋皮外白裏深  
黃色根如松下茯苓作結塊五月六月採皮去皺麤暴乾  
用味苦寒無毒上五臟腸胃中結熱黃疸腸痔止洩痢女  
子漏下赤白陰傷蝕瘡療驚氣在皮間肌膚熱赤起目熱  
赤痛口瘡根一名檀桓主心腹百病安魂魄不饑渴

樹


漆



漆樹

乾漆生漆出漢中川谷今蜀漢金峽襄欽州皆有之木高三二丈皮白葉似椿花似槐子若牛李木心黃六月七月以竹筒釘入木中取之乾漆舊云用漆桶中自然乾者狀如蜂房味辛溫無毒主絕傷補中續筋骨填髓腦安五臟五緩六急風寒濕痺療欬嗽消瘀血痞結腰痛女子疝瘕利小腸去蛇蟲生漆去長蟲久服輕身耐老

五加皮



五加皮

五加皮生漢中及宛句今江淮湖南州郡皆有之春生苗  
莖葉俱青五葉者良三四月開白花結細青子至六月漸  
黑色根若荆根皮黃黑內白骨堅硬五月七月採莖十月  
採根陰乾用蘄州人名爲木骨味辛苦溫微寒無毒主心  
腹疝氣腹痛益氣療癱小兒不能行疽瘡陰蝕男子陰痿  
囊下濕小便餘瀝女人陰痒及腰脊痛兩脚疼痺風弱五  
緩虛羸補中益精堅筋骨強志意

牡荊



牡荊生河間南陽宛句山谷或平壽都鄉高岸上及田野  
中俗名黃荊枝莖堅勁作科不爲蔓生故稱牡葉如篋麻  
更疎瘦花紅作穗實細而黃如麻子大或云即小荊也八  
月九月採實陰乾味苦溫無毒主除骨間寒熱通利胃氣  
止欬嗽下氣一名羊樞一名空疏理白而中虛斷植即生

蔓荆





蔓荊 生秦隴明越州多有之苗莖高四五尺對節生枝  
至夏盛茂有花作穗淺紅色莖黃白色花下有青萼至秋  
結實斑黑如梧子八月九月採味苦辛微寒平溫無毒主  
筋骨間寒熱濕痺拘攣明目堅齒利九竅去白虫長虫主  
風頭痛腦鳴目淚出益氣

仲

杜




杜仲

杜仲生上虞山谷及上黨漢中木高數丈葉如辛夷亦類  
柘其皮類厚朴折之內有白絲相連二月五月六月九月  
採皮用江南人謂之櫛一名思仙一名思仲一名木綿味  
辛甘平溫無毒主腰脊痛補中益精氣堅筋骨強志除陰  
下痒濕小便餘瀝脚中酸疼

樹


楓



楓

楓 所在大山皆有南宮及關陝多有之似白楊甚高大  
葉圓而作岐有三角而香二月有花白色實大如鴨卵八  
月九月熟暴乾可燒脂爲白膠香味辛苦平無毒主癰瘰  
風痒浮腫齒痛其皮味辛平有小毒主水腫下水氣煮汁  
用之

槲



蕤樹生函谷川谷及巴西河東亦有之其木高五七尺莖  
間有刺葉細似枸杞而尖長花白子紅紫色附于莖而生  
類五味子六月成熟核味甘溫微寒無毒主心腹邪結氣  
明目目赤痛傷淚出目腫背爛齕鼻破心下結痰痞氣

香

丁





丁香

丁香出交廣南蕃今惟廣州有之木類桂高丈餘葉似櫟  
凌冬不凋花圓細黃色其子出枝葉上如釘子長三四分  
紫色其中有麗大如山茱萸者謂之母丁香味辛溫無毒  
主溫脾胃止霍亂擁脹風毒諸腫齒疳蟹其根療風熱毒  
腫

沉 香



沉香

沉香青桂香雞骨香馬蹄香棧香同是一本海南諸國及交廣崖州有之其木類椿櫟多節葉似橘花白子似檳榔大如桑椹紫色細枝緊實未爛者爲青桂堅黑而沉水爲沉香半浮半沉與水面平者爲雞骨最麗者爲棧香沉香味微溫療風水毒腫去惡氣

藿香



藿香嶺南郡多有之二月生苗葉似桑而小薄六月七月  
採微溫療風水毒腫去惡氣療霍亂心痛

金櫻



金櫻子

金櫻子南中州郡多有之而江西劍南嶺外者爲勝叢生  
鄭野大類薔薇有刺四月開白花夏秋結實亦有刺黃赤  
色形似小石榴十一月十二月採味酸澁平溫無毒療睪  
泄下痢止小便利澁精氣

落鴈木





落鴈木生雅州味甘性平無毒其苗作蔓纏遠大木苗葉  
形色大都似茶無花實四月採苗入藥用之主風痛傷折  
脚氣腫腹滿虛脹又主婦人陰瘡浮泡及治產後血氣痛

竹

三才圖會卷之草木九



五

竹


竹處處有之竹之類甚多而入藥者惟篁竹苦竹淡竹三種篁竹堅而促節體圓而質勁皮白如霜葉味苦平大寒無毒主欬逆上氣溢筋急惡瘍殺小蟲除煩熱風瘧喉痺嘔吐根作湯益氣止渴苦竹有白有紫甘竹似篁而茂卽淡竹也補虛下氣消毒汁主風瘧淡竹葉味辛平大寒主胸中痰熱欬逆上氣瀝大寒療暴中風痺胸中大熱止煩悶皮茹微寒主嘔哕溫氣寒熱吐血崩中溢筋苦竹葉及瀝療口瘡目痛利九竅筍味甘主消渴利水道益氣

吳茱萸



吳茱萸生上谷川谷及冤句今處處有之江浙蜀漢尤多  
木高丈餘皮青綠色葉似椿而闊厚紫色三月開花紅紫  
色七月八月結實似椒子嫩時微黃至成熟則深紫九月  
九月採陰乾味辛溫大熱有小毒主溫中下氣止痛欬逆  
寒熱除濕血痺逐風邪開腠理去痰冷腹內絞痛諸冷實  
不消中惡心腹痛逆氣利五藏根殺三虫根白皮治喉痺  
欬逆止洩注食不消女子經產餘療白癰

檳榔



檳榔生南海嶺外州郡皆有之大如桄榔高五七丈正直無枝皮似青桐節如桂竹葉生木顛其實作房從葉中出傍有刺若棘鍼重疊其下一房數百實如雞子狀味辛溫無毒主消穀逐水除痰癖殺三虫伏尸療寸白嶺南人噉之以當果實有三四種有小而味甘者名山檳榔有大而味澁核亦大者名猪檳榔最小者名納子又云尖長而有紫文者名檳圓而矮者名榔檳力小榔力大其大腹所出與檳榔相似但莖葉根幹小異并皮收之謂之大腸檳榔

山  
梔





山梔生南陽川谷南方及西蜀州郡皆有之木高七八尺  
葉似李而厚硬二三月生白花花皆六出甚芬香即西域  
薝蔔也夏秋結實如訶子狀生青熟黃中仁深紅九月採  
實暴乾味苦寒大寒無毒主五內邪氣胃中熱氣赤白癩  
瘰目熱赤痛胸心大小腸大熱心中煩悶

騏驎竭



三才圖會卷之九  
騏驎竭出南番諸國及廣州木高數丈葉似櫻桃而有三角其脂液從木中流出滴下如膠飴狀久而堅凝乃成竭赤作血色故亦謂之血竭味甘鹹平有小毒主五藏邪氣帶下止痛破積血金瘡

龍 腦 香



龍腦香

龍腦香出婆律國其木高七八丈可六七圍傍生枝葉正圓而背白結實如苴菹皮有甲錯香卽木中脂似白松脂作杉木氣膏乃根下清液耳亦謂之婆律膏味辛苦微寒一云溫平無毒主心腹邪氣風濕積聚耳聾明目

萸

蕪



蕪荑

蕪荑生晉山川谷一名無姑一名蕪味辛平無毒主五內邪氣散皮膚骨節中淫淫如蟲行去三蟲化食逐寸白蟲腸中噓噓喘息

枳 樹



本草綱目卷之八

三



枳樹

枳實生河內川澤枳殼生商州川谷高五七尺葉如棗多  
刺春生白花至秋成實九月十月採實味苦酸微寒無毒  
主大風在皮膚中如麻豆苦痒除寒熱結止痢長肌肉利  
五藏益氣輕身除胃脅痰癖逐停水破結實消脹滿心下  
急痞痛逆氣脅風痛安胃氣止瀉洩明目殼味苦酸微寒  
無毒主風痒疥痺通利關節勞氣咳嗽背膊悶倦散留結  
胃腸痰滯逐水消脹滿大腸風安胃止風痛

朴

厚



厚朴

厚朴出交趾冤句木高三四丈徑一二尺春生葉如柳葉  
四季不凋紅花而青實皮極鱗皺而厚味苦溫無毒主中  
風傷寒頭痛寒熱驚悸氣血痺死肌去三蟲溫中益氣消  
痰下氣療霍亂腹痛脹滿胃中冷逆胸中嘔不止洩痢淋  
露除驚去留熱心煩滿厚腸胃其樹名漆其子名逐折療  
鼠瘻明目益氣

秦皮



秦皮

秦皮生廬江川谷及寃句其木大都似檀枝幹皆青綠色葉如匙頭許大而不光無花實根似槐根二月八月採皮陰乾味苦微寒無毒主風寒濕痺除熱目中青翳白膜療男子少精婦人帶下小兒痢身熱可作洗目湯一名岑皮一名石檀

山茱萸



山茱萸

山茱萸生漢中山谷木高丈餘葉似榆花白子初熟未乾  
赤色九月十月採實陰乾味酸平溫無毒主心下邪氣寒  
熱溫中逐寒濕痺去三蟲腸胃風邪寒熱疝瘕頭風鼻塞  
目黃耳聾溫中下氣出汗強陰益精安五臟通九竅止小  
便利一名蜀棗一名雞足一名魁實

猪

苓





猪苓

猪苓生衡山山谷及濟陰宛句蜀州眉州亦有之生土底皮黑作塊似猪糞故名之一名假猪屎一名地烏桃二月八月採陰乾削去皮肉白而實者佳莊子謂之豕橐味甘苦平無毒主痰瘡解毒蠱疰不祥利水道

白棘



白棘棘鍼也生雍州川谷叢高三四尺花葉莖實都似棗而有赤白二種味辛寒無毒主心腹痛癰腫清膿止痛決刺結療丈夫虛損陰痿精自出補腎氣益精髓

烏

藥



烏藥

烏藥生嶺南邕容州木似茶櫝高五七尺葉微圓而尖作三桠面青背白五月開細花黃白色六月結實如山芍藥味辛溫無毒主中惡心腹痛蠱毒疰忤鬼氣宿食不消天行疫癘膀胱腎間冷氣攻衝背脊婦人血氣小兒腹中諸蟲其葉及根能補中益氣偏止小便滑數

沒藥樹



沒藥生波斯國海南諸國及廣州或有之木根株皆如橄欖葉青而密歲久者則有膏液凝結成塊或大或小亦類安息香採無時味苦平無毒主破血止痛療金瘡諸惡瘡痔漏卒下血


菴摩勒





菴摩勒餘甘子也生嶺南交廣愛等州木高一二丈枝條甚軟葉青細密朝開暮歛如夜合而葉微小春生冬凋三月有花如粟米微黃隨即結實莢每條三兩子至冬而熟如李子狀青白色味苦甘寒無毒主風虛熱氣一名餘甘

備牙



衛矛鬼箭也出霍山山谷三月以後生莖苗長四五尺許其幹有三羽狀如箭翎葉似山茶青色八月十一月十二日採條莖陰乾其木亦名狗骨味苦寒無毒主女子崩中下血腹滿汗出除邪殺鬼毒蠱疰中惡腹痛去白虫消皮膚風毒腫

海桐皮



# 海桐皮

海桐皮出南海巴南山谷葉如手大作三花尖皮若梓白皮而堅韌可作繩入水不爛不拘時月採之味苦平無毒主霍亂中惡赤白久痢除甘蠶疥癬牙齒蟲痛水浸洗目除膚赤

杖

虎



虎杖

虎杖一名苦杖處處有之三月生苗莖如竹筍狀上有赤斑點初生便分枝葉似小杏葉七月開花九月結實二月三月採根暴乾微溫主通利月水破留血癥結